



Broj: 10-37- 11286 /18
Sarajevo, 02.3.2018.godine

**SVIM ZDRAVSTVENIM USTANOVAMA I NOSIOCIMA PRIVATNE PRAKSE SA
PODRUČJA KANTONA SARAJEVO**

PREDMET: Pravilna i zakonski utemeljena nabavka lijekova i medicinskih sredstava

Poštovani,

Vežano za svakodnevne upite o nabavkama lijekova od strane zdravstvenih ustanova, kao i vakcina na području Kantona Sarajevo, te nadzorima koje obavlja farmaceutska inspekcija Agencije za lijekove i medicinska sredstva BiH, u cilju poštivanja zakonskih odredbi koje se odnose na promet lijekova na veliko i malo, a koje su definisane Zakonom o lijekovima i medicinskim sredstvima („Službeni Glasnik BiH“, broj 58/08), ovim putem želimo Vas informirati o slijedećem:

Apotekarska djelatnost je dio zdravstvene djelatnosti od interesa za Federaciju koja se obavlja na svim nivoima zdravstvene zaštite i koja obezbjeđuje snabdijevanje stanovništva, zdravstvenih ustanova i zdravstvenih radnika koji obavljaju privatnu praksu lijekovima i medicinskim sredstvima.

Zakon o apotekarskoj djelatnosti („Službene novine Federacije BiH“, broj 40/10) u članu 7. striktno definiše način snabdijevanja sa lijekovima svih zdravstvenih ustanova, na način da se ambulante, bolnički odjeli i druge zdravstvene ustanove snabdijevaju lijekovima i medicinskim sredstvima preko apoteka, odnosno bolničkih apoteka.

Organizacioni oblici apoteka definisani članom 3. st. 2. i 3. Zakona o apotekarskoj djelatnosti su:

- apoteke zdravstvene ustanove, u svim oblicima svojine, i njihovim ograncima i depoima,
- apoteke u privatnoj praksi
- bolničke apoteke,

Zakonom nije dopušten promet lijekovima na malo izvan navedenih organizacionih oblika.

Zdravstvene ustanove bolničkog nivoa zdravstvene zaštite, nabavku, prijem i distribuciju svih lijekova i medicinskih sredstava vrše putem bolničkih apoteka.

Osim bolnica, druge zdravstvene ustanove, ambulante, poliklinike, kao i ostale vanbolničke ustanove, nabavku lijekova i medicinskih sredstava vrše putem apoteka primarnog nivoa zdravstvene zaštite, sa kojom su u obavezi zaključiti ugovor o kontinuiranom snabdijevanju.

Snabdijevanje sa ampuliranim lijekovima i infuzionim otopinama, a koje se primjenjuju u zdravstvenim ustanovama, ambulantama, odnosno vanbolničkim zdravstvenim ustanovama, se vrši



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1



u skladu sa sporazumom koji se zaključuje između Ministarstva zdravstva, Zavoda zdravstvenog osiguranja Kantona Sarajevo, i apoteka koje ispunjavaju dodatne propisane uvjete prostora, kadra i opreme, a za lijekove koji se finansiraju na teret sredstava obaveznog zdravstvenog osiguranja.

Snabdijevanje lijekovima i medicinskim sredstvima, pa i vakcinama treba osigurati na profesionalan način poštujući put lijeka kao i lanac snabdjevanja utemeljen Zakonom o lijekovima i medicinskim sredstvima BiH kao i Zakonom o apotekarskoj djelatnosti.

S poštovanjem,



Dostaviti:
Naslovu
a/a



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

